



## Aningaasanut Nunanullu Allanut Naalakkersuisoq

### Aningaasaqarnermut Ataatsimiititaliap suliaq nr. 01.31.06/07-00241 pillugu ataasinngornermi ulloq 28. maj 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 10. maj 2007-imi ataatsimiinneranni imm. 2c)

### **KIT A/S-imut 2,6 mio. kr.-inik ilassutitut aningaasaliissutit**

Naalakkersuisut **inassutigaaat**,

kontomi pingaarnermi 10.13.11-mi, Aktianik piginneqatigiiffinnut aningaasatigut aningaasartuutitut tunngasumi, aningaasaliissutit 2007-mi 2.600.000 kr.-nik amerlineqassasut,

kontomi pingaarnermi 20.11.50-imi aningaasaliissutit 2007-imi 2.600.000 kr.-inik ikilineqassasut,

Periusissatut toqqakkat immikkoortoq 2-mi nassuiaatigineqartut Naalakkersuisunit akuerineqassasut.

### **Aningaasaqarnermut Ataatsimiititaliap oqaaseqaatai**

KIT A/S-imut aningaasaliissutissatut 2,6 mio. kr.-it Naalakkersuisut suliame matumani qinnutigaaat. Taamaalillutillu Namminersornerullutik Oqartussat ingerlatseqatigiiffiup affaanik piginnittuulissapput.

Pisortat oqartussaasut assigiinngitsut akornanni qarasaasiaqarnikkut peqatigiilluni sunniuteqarnerusumik suleqatigiinnissaq taamaaliornikkut qulakkeerneqassasoq Naalakkersuisut isumaqarput. Pisortat qarasaasiaqarnikkut aaqqissuussinerannik aktiaateqarluni ingerlatseqatigiiffimmut inissiinikkut innuttaasunut taamatullu pisortanut pilertornerusumik immikkut kiffartuussisinnalernerup piviusunngortinneqarnissaa naatsorsuutigineqarpoq.

Taamatut sunniuteqarluartumik sullissisinnalernerup sunniutaasa piffissami qaninnermi malunnarsinissaat Aningaasaqarnermut Ataatsimiititaliamit qilanaarineqarpoq.

**Aningaasaqarnermut Ataatsimiititaliap aalajangiinera**

**Naalakkersuisut inassuteqaataat Aningaasaqarnermut Ataatsimiititaliamit  
akuersissutigineqarput.**

Inussiarnersumik inuulluaqqusillunga

Augusta Salling  
Aningaasaqarnermut Ataatsimiititaliap siulittaasua

Ilanngussat: Naalakkersuisut isummernissaannut tunngavissiaq kiisalu missingersuutinut  
ilanngussaq.